



Broj: 05-16-4-5171-11/16
Sarajevo, 29.06.2016.godine

Na osnovu člana 69 stav (2) tačka d) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, d o n o s i

ODLUKU **o poništenju postupka javne nabavke**

I

Poništava se postupak javne nabavke usluga popravke i održavanja službenih vozila koja nisu pod garancijom marke Volkswagen u skladu sa člankom 69. stavak (2) tačka d) Zakona o javnim nabavkama Bosne i Hercegovine, jer nijedna od primljenih ponuda nije prihvatljiva.

II

Postupak nabave iz točke I ove odluke se poništava do donošenja Odluke o pokretanju ponovnog postupka. Odluka stupa na snagu danom donošenja i istom se stavlja van snage Odluka o dodjeli ugovora broj: 05-16-4-5171-6/16 od 16.06.2016.godine.

Obrazloženje

Nakon provedenog konkurentskog postupka nabavke usluga popravke i održavanja službenih vozila koja nisu pod garancijom marke Volkswagen broj: 05-16-4-5171-2/16, Ministarstvo pravde Bosne i Hercegovine je donijelo Odluku broj: 05-16-4-5171-6/16 od 16.06.2016.godine, o dodjeli ugovora ponuđaču BOS-MONT d.o.o. Sarajevo, Aleja Bosne Srebrene broj 87, 71000 Sarajevo, kao jedinu prihvatljivu.

U Aneksu 2 (Izjava propisana članom 21. Uputstva za pripremu modela tenderske dokumentacije i ponuda), predmetnog konkurentskog zahtjeva predviđeno je, da je odabrani ponuđač dužan ukoliko bude odabran, u roku od pet dana od primitka obavještenja o rezultatima, dostaviti original ili ovjerenu kopiju Uvjerenja izdatog od strane ovlaštenog organa u BiH ili u bilo kojoj drugoj zemlji, ne starije od tri mjeseca od momenta prijema ponude, u cilju dokazivanja da je ispunio obaveze u vezi s plaćanjem direktnih poreza u skladu sa relevantnim zakonskim odredbama u Bosni i Hercegovini ili zemlji u kojoj je registrovan. Odabrani ponuđač je 20.06.2016.godine dostavio ovjerenu kopiju Uvjerenja broj: 13-9/4-15-4-2272 od 17.06.2016.godine da nema duga po osnovu javnih prihoda, tj. o plaćenim direktnim porezima, kako je 07.06.2016.godine bio krajnji rok za prijem ponuda u predmetnom postupku nabavke, ovaj datum je bio i krajnji datum na koji je uvjerenje trebalo da glasi. S obzirom da je datum dostavljenog uvjerenje poslije roka predviđenog konkurentskim zahtjevom, Komisija za javne nabavke je dostavljenu ponudu ponuđača ocijenila kao nepotpunu, jer ne ispunjava zahtjeve iz tenderske dokumentacije u skladu sa članom 68. stav (1) i (4) tačka i) Zakona o javnim nabavkama BiH, kojim je definisano da ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. ovog zakona. Takođe članom 72. stav (3) alineja a) je propisano da ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacija iz člana 45. ovog zakona, ne starije od tri mjeseca od dana dostavljanja ponude u roku koji odredi ugovorni organ.

Članom 69. stav (2) tačka d) Zakona o javnim nabavkama Bosne i Hercegovine, propisano je da je ugovorni organ obavezan poništiti postupak javne nabavke ukoliko nijedna od primljenih ponuda nije prihvatljiva.

Shodno izloženom, Komisija je preporučila ministru pravde Bosne i Hercegovine (Zapisnik broj: 18.6-16-4-5682-2/16 od 22.06.2016.godine, u prilogu), da donese Odluku o poništenju postupka nabavke usluga popravke i održavanja službenih vozila koja nisu pod garancijom marke Volkswagen.

Uzimajući u obzir naprijed navedeno, odlučeno je kao u dispozitivu Odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od pet od dana kada je primio odluku, odnosno obavještenje o poništenju postupka.


MINISTAR
Josip Grubeša

Dostaviti:

- Ponuđačima u postupku,
- a/a.